

重示教孝文

呂帝曰舜命契敷五教首在父子有親而孝之名以立然則孝之道自唐虞而始有乎非也自有生民卽有父子自有父子卽有孝慈父之慈不待學也子之孝亦不待學也上古維渾維穆有情無文孝道最真中古文明繼起有情有文孝道斯全後世人心日漓有文無情孝道乃薄世運殊所以爲孝亦殊然其出於性生則無殊故夫孝之爲道與天地相終始者也嗟乎天不變地不變則人亦不變而天不能不爲運變地不能不爲運變人亦不能不爲運變然運變而孝不變孝卽以運而變而吾人終不可任其變吾於人之幼也見其有情無文如太古然則吾願人之壯及老也亦當如中古之有情有文而不移於後世之有文無情焉可矣况無情亦無文也傷哉

道藏輯要

呂帝文集

五

室集五